

## CINCUENTA Y OCHO DETENCION RELACIONA CU EVENTO DI JOUVERT MORNING Y LIGHTING PARADE



2

CORTE:

**MORTO DI CHAUFFEUR  
DEN ACCIDENTE FATAL  
11 DI NOVEMBER 2020 NO  
TA CULPA DI ACUSADO**


3

**POLITICONAN MES  
A DUNA POLITICA  
E APODO DI  
"CORUPCION"**

4

**PROMOCION NA MIAMI  
PA ARUBA COMO ISLA  
PRO MATRIMONIO  
MESUN SEXO**

4




The #1 Payroll & HRM Software in the Caribbean



- Easy to Use & Always Accurate
- Complete Integration of HRM & Payroll
- 24/7 Support from Local Specialists
- On-premise or Cloud
- All Types & All Sizes of Companies incl. Government

Tel. 583-7072 | [info@vcc-int.com](mailto:info@vcc-int.com) | [www.vcc-int.com](http://www.vcc-int.com)



**VCC**  
International NV

REAL SOFTWARE  
REAL SUPPORT  
[www.vcc-int.com](http://www.vcc-int.com)



# Cincuenta y ocho detencion relaciona cu evento di Jouvert Morning y Lighting Parade

**A** ruba tabatin un fin di siman basta pisa cu dos evento grandi cu a pone hopi Polis riba pia pa controla situacionnan cu por a bay for di man. Si cuminsa cu e Jouvert Morning diasabra marduga pa e Lighting Parade na Oranjestad, tabatin en total 58 detencion.

E Jouvert Morning a start diasabra marduga pa 3:55. Cuerpo Policial pa e evento aki a pone 128 personal riba pia.

Diferente departamento di Cuerpo Policial a traha hunto entre otro Mobiele Eenheid (ME), Polis Uniforma, Departamento di Recherche, Personal administrativo, departamento di trafico y planologie, AE, Mobiel Commando y como tambe personal di CEA.

Pa 9or mainta parada a jega su final y durante e evento aki a detene 19 persona cu a causa problema sea pa seguridad of pa e participantenan.

Segun e informe oficial di Polis, e detencionnan tabata a base di posesion di arma blanco, droga, bringamento, buracheria, of pa no sigui ordo di polis.

E suma total pa loke ta Faya bo Haya ta Afl. 12970,-. E multa di mas halto a duna na un solo persona tabata di 1800 florin. Si haci un comparacion cu e parada prome cu esey cu tabata na 2020 por bisa e tabata menos. Na 2020 tabatin 21 detencion.

Sinembargo despues di e parada aki tabatin mas detencion, haci door di Unidad Motorisa. A tene control durante y despues di Jouvert Morning na puntonan strategico, entre otro banda di La Granja tabatin basta brommer policial staciona. A detene 24 persona en total.

A controla un total di 180 vehiculo di motor y a detene 24 chauffeur bao di influencia di alcohol, di cual 7 tabata hende muhe. Durante e control aki 8 chauffeur a perde nan rijbewijs “ingevorderd” y nan lo mester presenta dilanti hues pa trata nan caso.

## LIGHTING PARADE 2023

Diasabra anochi pa 8or SMAC hunto cu Cuerpo Policial a haci inicio di e Lighting Parade. E anochi aki tabata tin 6 grupo y mas o menos 2400 participante. Pa e anochi a pone un total di 205 personal riba pia.

Diferente departamento di Cuerpo Policial a traha hunto entre otro Polis Uniforma, ME, AE, Departamento di Recherche, Motor Unit, K-9, Personal administrativo, Mobiel Commando, departamento di planologie y tambe personal di CEA.

Pa 0055 e cabes a yega ex-DOW y pa 01:55 di diadomingo



marduga el a yega su final. E aña aki tabatin 12 detencion. Aña 2020 tabata tin 15 detencion.

## RESULTADO DI UNIDAD MOTORISA

Despues di Lighting Parade y na puntonan strategico unidad motorisa a ehersa su controlnan.

Un total di 3 persona a keda deteni pa maneha auto bou influencia di alcohol.

Cuerpo Policial ta keda conseha si bo ta bebe no stuur. Unidad motorisa lo keda controla prome, durante y despues di evenementonan di carnaval.



Corte:

# Morto di chauffeur den accidente fatal 11 di november 2020 no ta culpa di acusado

**F**in di siman tras di lomba Corte a dicta sentencia den e accidente fatal cu a tuma luga dia 11 di november aña 2020. E homber de Cuba a perde su bida despues cu e auto den cual e tabata a bay dal den un mata di kwihi y e impacto a sak'e for di e vehiculo. Den e accidente aki, segun rapport di Polis, tabatin un otro auto mas involvi. Cu ta esun maneha pa Ricardo Gayle. Pero e chauffeur aki no a para y a sigui core. Te dies dia despues a logra hay'e y a detene.

El a declara den corte cu e no tabata responsabel pa e accidente aki. El a sigui core pasobra el a spanta ya cu e no tin rijbewijs. Pero e no a ocasiona e accidente.

Den e caso aki e tabatin e acusacion principal cu ta "dood door schuld", pero di esaki Corte a declar'e liber ya cu no a proba cu el core di un forma irresponsabel.

Pero su forma di actua den trafico si por wordo considera cu el a trece peligro pa trafico. Esaki ta acusacion 1 subsidiario. Tambe el a haci su mes culpabel di a bandona e sitio despues di un accidente y maneha sin rijbewijs.

Loke cu a pasa e anochi en cuestion, basa riba datonan acumula, ta cu el a pasa algun auto y e chauffeur di e Suzuki Baleno a haci mesun cos.

Dado momento e chauffeur di e Baleno kier a pasa e acusado y e otro auto su dilanti. Na momento cu e Baleno tabata banda di e auto di e acusado, e ultimo aki tambe a hala na banda robes pa pasa e vehiculo su dilanti. Esaki a causa cu e victima a perde control riba stuur, a slip, bolter y dal den e mata di kwihi. E impacto a sac'e y el a fayece di e lesionnan ricibi.

Loke no por a saca afo di ningun



declaracion ni di videonan, cu e dosnan aki tabata pusta. E solo hecho cu ambos tabata pasa auto no ta nifica cu nan tabata pusta. No por a proba tampoco cu e acusado Gayle tabata maneha na un velocidad halto. E auto su dilanti tabata core 50 pa 60 pa ora y no a proba cu e tabata core hopi pega cu ne.

No por bisa tampoco cu e hecho cu e no a mantene suficiente distancia tabata di influencia riba e sucedido. Si por a proba a bae di e diferente declaracionnan cu e acusado a trata di pasa e auto su dilanti y no a paga tino pa ta consciente cu e victima tambe tabata purba di pase. Esaki ta un fout di trafico y esaki no ta suficiente pa hustifica e conclusion cu e lo a core irresponsabel. Tambe tin indicacion cu e victima mes tabata pasando auto na velocidad halto y no a pone su señal pa esaki tampoco.

Pa e motibonan ariba menciona Corte

mester declar'e liber di e acusacion principal. Pero si por proba e parti cu el a pone trafico den peligro.

Tambe a proba cu el a bandona e sitio despues di accidente. Y cu e no tabatin rijbewijs.

Hues a splica tambe cu e acusado door di no paga bon tino ora cu el a bay pasa auto, e no a mantene su mes na reglanan di trafico. Den e caso aki e consecuencianan di e sucedido dn trafico ta cu e victima a fayece.

A condene na 40 ora di trabou pa comunidad of 20 dia cera. A otorga un suma di 3320 pa gastonan cu e viuda mester a haci pa regla su permiso despues cu su casa a fayece. Pa loke ta e gastonan di entierro, Corte a rechasa esaki. E gastonan aki a wordo paga, no door di e viuda pero otro miembronan di e famia. E resto di demanda a wordo rechasa y a conseha e viuda pa cuminsa un caso civil.

## Politiconan mes a duna politica e apodo di “corupcion”

**D**rs Shailiny Tromp Lee, Parlamentario pa fraccion di MEP, a reacciona riba e accion hudicial cu a tuma luga siman pasa na caso di dos ex Minister di su partido MEP pero tambe e decision di e caso Ibis caminda Corte di Casacion na Den Haag, a sostene e decision di Corte Superior contra di ex Minister Paul Croes.

Parlamentario Tromp Lee ta haya sumamente preocupante e casonan cu ta sigui bin riba mesa caminda politico- y gobernantenan ta wordo sospecha di a haci nan mes culpabel na un of otro caso di fraude of corrupcion. E casonan aki ta kibrando e confiansa cu pueblo mester tin den su politiconan y esaki a sigui aporta na e fama cu pueblo ta kere cu politiconan tin caba, esta cu tur politico ta ladron, tur politico cu crea fraude, cu tur politico haya nan mes den un of otro posicion publico, ta pa nan beneficia nan mes personalmente.

AWEMainta kier muestra aki cu e deber y obligacion di un politico, di un parlamentario y di un gobernante, cu a pidi y haya confiansa di e pueblo votado, tur mester ta hendenan decente y sincero, hendenan cu ta haya sosten di pueblo pa haci bida di pueblo mas miho y mas trankilo. Sinembargo desde cu Aruba a haya su Status Aparte na 1985, un parti masha esencial di e ‘confrontacion’ politico pa logra e poder politico, a bay perdi, esta caminda tabata culpa Corsou practicamente di tur loke tabata bay malo riba e isla.

Algun tempo despues politiconan cu tambe a bira den cierto sentido “autonomo,” a inventa un otro ‘scoop’ politico cu a bira e arma politico mas fuerte den politica di Aruba, cu tabata e acusacion di rivalnan politico pa corrupto of cu nan lo ta meti den asuntonan di corrupcion. Ta di lamenta te ainda, cu organisacionnan politico no ta bataya cu otro a base di e programa di gobernacion cu nan ta presenta na pueblo pa asina pueblo por husga y dicidi pa cual

partido e ta vota. A pasa ayanan largo, eleccion tras di eleccion acusando otro di ta corrupto y awor e influencia aki a tuma un rumbo dificil y sin duda un rumbo cu hasta a hinca e sistema legal den un skina sin salida.

Casonan di entre otro Ibis, caso Avestruz, caso Flamingo, sin duda ta casonan cu nunca pero nunca mester a yega Ministerio Publico pero a traha un escenario, a crea henter un infraestructura politico cu mester a muestra riba corrupcion pero cu tabata un tradicion pa mas di 30 aña caba den casi tur organizacion politico.

Parlamentario Shailiny Tromp Lee tin como tarea pa controla, coregi, interpela y clarifica maneho di cualkier gobierno cu ta na mando pero for di momento cu miembronan di Parlamento mes scoge pa acepta cierto desaroyonan politico caminda ta gobierno ta dicidi riba Parlamento, eynan ta mas cu claro cu ta habri caminda pa Husticia mete su mes den asuntonan politico.

Tanto caso di Besaril, cu mester a wordo coregi for di masha tempo, dor di exige pa e bin Aruba y bin clarifica su maneho, caminda Parlamentarionan manera Tromp Lee y tur otro 20 parlamentario, ta muestra madurez y pone nan interes politico un banda y para pa interes di pueblo, e ora e cosnan aki lo stop.

E palabra “corrupcion” a bin ta nabega for di introduccion di Status Aparte den nos sistema politico, caminda politiconan rival ta tripi di subi un podium pero mas tanto ta mal uza e poder di inmunidad den parlamento, pa pinta rivalnan politico di corrupcion, di ta ladron ki ora cu nan kier.

Pa colmo e politiconan aki ta bisti bachi cu dashi, shimis elegante y cu tasnan caro, pa yena nan boca cu acusacion di corrupcion sin cu esaki ta hustifica of al caso, contal cu e rival wordo pinta malo den bista di pueblo votado. E cambio lo yega ora cu parlamentarionan manera drs Shailiny Tromp Lee realmente cuminsa tuma nan poder legislativo na serio, kitando nan bachi politico asina cu nan bira legislado den defensa y proteccion di henter pueblo di Aruba.

## Promocion na Miami pa Aruba como isla pro matrimonio mesun sexo

**B**ishita di e crucero Atlantis siman pasa cu a trece 5 mil pasahero ‘gay’ Aruba, a causa hopi conmocion den comunidad pero tambe den diferente sector di comunidad. No ta prome bes c’un crucero cu hendenan gay a bishita Aruba pero na e ocasion aki varios comerciante a participa den yama bon bini na un grupo asina grandi di turista, hopi di nan actuando normal, hopi bisti mas liviano posibel y tambe algun cu a cana riba caminda publico casi sunu.

E evento cu a wordo organisa na e beach di Surfside, a bira sumamente popular cu e bishitantenan kendenan a gosa di musica, a baila pa oranan largo, gran mayoria comportando nan mes adecuadamente pero algun cu a perde respet pa nan mes y pa otro. Grabacionnan cu a bay rond riba social media a duna algun situacion hopi vulgar y esaki a causa un impacto den comunidad, hunto c’un tipo canando c’un dental flos riba caya publico cu solamente un tela driehoek su dilanti pa cubri su parti abou.

Por lo general e bishitantenan a percurapa momentonan alegra den centro di Oranjestad y otro caminda cu nan a bishita y sin duda

nan a gasta hopi placa den e sector comercial.

E bishita aki sin duda a duna Aruba den exterior pero principalmente na Miami Florida, un popularidad den e comunidad gay ya cu e grupo grandi di gaynan cu a pasa di bishita siman pasa, a propaga e isla di Aruba di tin un comunidad hopi respetuoso y amabel mes caminda e aceptacion pa e ‘gay community’ ta hopi grandi.

AWEMainta a ricibi informacion for di Miami, cu ya caba Aruba ta wordo promovi como un isla cu ta permiti y promove matrimonio di mesun sexo mientras cu e bishita di Atlantis sin duda a laga un impresion sumamente positivo atras y cu esaki ta wordo promovi tambe na Miami den e comunidad di esunnan gay.

Informacion extra oficial ta muestra cu ya tin promocion bayendo rond pa nos isla pero ainda no por sigura si e promocion aki si Aruba Tourism Authority ta esun cu ta involvi cu e promocion aki of ta un ke otro compania di promocion na Miami ta haciendo esaki.

Sin duda e proximo bishita di Atlantis of cualkier otro crucero cu ta organisa e tipo di biahenan aki lo conoce algun adaptacion pa reglanan di comportacion y loke ta aceptabel y no ta aceptabel pero tin tur indicacion cu siman pasa turismo di Aruba a conoce un otro impacto grandi pa e isla.



# GANA PLACA DI BIAHA!

WEGA  
NOBO



Selecta bo weganan favorito



[www.lottoaruba.com](http://www.lottoaruba.com)






Minister Dangui Oduber

# Luna di januari 2023 a habri cu 98.000 turista!

Un tremendo comienso di aña pa turismo



**E** cifranan di turismo pa cu luna di januari ta conoci y ta hopi atentado. Minister di Turismo y Salud Publico sr. Dangui Oduber ta satisfecho con e comienso di aña 2023 a habri. Aña 2023 a habri mescos cu aña 2022 a cera, esta cu hopi exito.

Den luna di januari 2023 Aruba su turismo a surpasa cifranan di januari 2019 cu tabata un aña record den turismo. Den luna di januari a registra un recuperacion total di 105% den comparacion cu aña 2019.

Aruba su mercado mas grandi y importante cu ta e mercado Mericano a mira un recuperacion di 113% den januari 2023 den comparacion cu januari 2019. Aruba a ricibi den januari 2023 un total di 98,942 turista compara cu e 93,953 turista den januari di aña 2019.

Esaki ta un crecimiento di 4,989 turista. Aruba ta sigui ta un destinacion hopi bishita, hopi gusta y cu turistanan tin hopi interes pa bishita. P'esey ta importante pa keda haci inversionnan den producto Aruba pa nos por keda competitivo.

Segun e mandatario ta importante pa remarca cu Aruba ta e di 2 pais na mundo cu a recupera su turismo di e forma aki.

Esaki ta demostra e resiliencia di Aruba, e maneho cu Minister Oduber a bin ta hibando y e partnership y bon cooperacion den e sector turistico di parti Aruba Tourism Authority (ATA), Aruba Ports Authority (APA), Aruba Airport Authority (AAA), Aruba Hotel and Tourism Association (AHATA) y Aruba Time Share Association (ATSA) pa logra esaki.



**BUCUTI & TARA**  
BEACH RESORT · ARUBA



**IF YOU ARE A PASSIONATE HOSPITALITY PROFESSIONAL,  
EAGER TO JOIN A WINNING TEAM,  
TOP 25 RESORTS IN THE WORLD ON TRIPADVISOR,  
ALSO THE FIRST CARBON NEUTRAL RESORT IN THE CARIBBEAN**

## WE'RE LOOKING FOR YOU

<b>F&amp;B SUPERVISOR</b>	<b>SOUS CHEF</b>	<b>CONCIERGE/ FRONT DESK AGENT FLUENT IN ITALIAN AND/OR GERMAN</b>
<b>BARTENDER</b>	<b>COOK</b>	<b>TECHNICIAN</b>
<b>BEACH ATTENDANT</b>	<b>BREAKFAST ATTENDANT (PART-TIME)</b>	<b>ENGINEERING ADMINISTRATOR (PART-TIME)</b>

**EXCELLENT BENEFITS**

- ATTRACTIVE SALARIES WITH BONUS OPPORTUNITIES
- 5-DAY WORKWEEK
- UP TO 27 VACATION DAYS (BASED ON YEARS OF SERVICE)
- HEALTH DISABILITIES AND LIFE INSURANCE
- DENTAL AND VISION INSURANCES
- SAVINGS & LOANS PROGRAM
- EMPLOYEE DISCOUNT AT TARA ECO SUPPLIES AND MAJOR LOCAL SUPERMARKET

**APPLY ONLINE AT [WWW.BUCUTI.COM/CAREERS](http://WWW.BUCUTI.COM/CAREERS)**





### Mirrors Beauty Academy ta ofrece e siguiente servicionan

Laba  
Corta  
Blowdry  
Keratina  
Cold Wax

Tinja  
Highlights / Mechitas  
Ombre / Californiana  
Bayalage  
Peinado

Makeup  
Threading  
Barberia  
Manicure  
Pedicure

Y  
mucho  
mas!

Tel. Alejandro: 564-4412 of 582-0110 • Whatsapp: 732-0110 of 566-0110 • Adres: Ponton 76 - Suite #3

## Detencion di chauffeur cu no a respeta ordo di polis



**D**iasabra mainta despues cu Jouvert Morning tabata cabando, polis motorisa tabata tene control di trafico na Savaneta, dilanti La Granja. Un Kia Sportage cora a bin di pariba full speed y no a respeta ordo di polis pa para, e la sigui core bay direccion pabou, mesora tres polis motorisa a sali su tras y dilanti di ex keurings lokaal poco pariba di rotonde di Pos Chikito nan a logra para e auto. E chauffeur tabata bou influencia, e la wordo deteni y transportwagen di CEA a pasa busk'e hibe warda di Balashi caminda e lo mester a presenta dilanti sub fiscal y despues cu e ricibi su boet e lo por wordo laga den libertad. E auto a wordo laga atras dilanti ex keuringslokaal.

## Unidad Motorisa di polis a detene hoben na Sabana Basora



**D**iasabra mainta mientras cu e parada di Jouvert Morning tabata pasando den cayanan di San Nicolas, e unidad di polis motorisa tabata teniendo un control basta severo den area di Savaneta pa Pos Chikito. Mayoria di auto a respeta ordo di polis, algun no lo a pone tino of tabata burachi cu no a mira polis mes. Esaki a sosode cu un hoben tambe cu tabata bayendo abou y no a respeta ordo di polis. Mesora dos unidad motorisa di polis a bay su tras y riba e caminda di Sabana Basora pa bay Franse Pas nan a logra para e auto y detene e chauffeur. Transportwagen di CEA a busca e chauffeur y hibe warda di polis na Balashi.

# GET 20% OFF\*

when you BUY TWO SUNGLASSES  
ONE for YOU and ONE for your *Valentine!*



**KOK OPTICA**  
*Sunglasses*

\* offer valid on select styles  
from Jan 31 - Feb 14, 2023



## Polis mester a sua forza pa detene homber agresivo den boxer

**D**iabierna anochi rond di 8:30 varios unidad policial a bay un restaurant na Cunucu Abou, eynan un homber tawata cometiendo destruccion. Patruxa di Noord a yega basta lihe na e dicho luga. Na yegada nan a topa cu un homber den un boxer color blanco, e homber tawata bastante excita. Na e sitio nan a compronde cu e homber aki lo a manda un keg di cerbes door di e glas di e warehouse, cu ta pertenece na e restaurant causando destruccion. Mirando e actitud di e homber y comportando na un manera agresivo a anticipa cu lo mester bay uza forza bruto pa pone den boei. A pidi transportwagen pa mesora hib'e warda di polis. Parse cu tur cos a cuminsa rond di 12:30 di merdia.

E homber aki na boxer lo mester a entrega un Van colo Blauw cu e la fia na su doño original cu ta su amigo tambe parce. Cada biaha e tawata gaña e doño cu e Van ta na un garage, debi cu mester a drecha algo chikito ariba dje. Pero nunca esaki ta keda cla. Ariba dje, nan a mir'e ta core rond y hiba turista aki aya debi cu e Van O cu por transporta hende. Anochi a cera y e doño a core rond tira bista pa su Van.

Den careda di 8'or pasa diabierna anochi e la localisa e auto na e dicho luga. Akinan a start un intercambio di palabra cu a termina den un bringamento. Tawata obvio cu e homber na boxer tawata bou influencia di un of otro substancia.

Durante cu e polis tawata hiba e homber pa e subi den e transportwagen e tawata bisa e homber (doño di e Van cu ta su amigo) cu e no ta bay denunci'e y pa despues e pasa cerca dje nan papia. No ta conoci dicon e homber tawata na boxer ariba caya.



## Muhe completamente sunu a comete destruccion y molestia bishitantenan na Tres Trapi



**D**iadomingo merdia algo pasa di 12'or Strandpolitie a bay pura altura di Marriott, buscando un Celta color blanco. Den e auto ey lo tin un hende muhe sin paña. E muhe aki hopi probablemente bou influencia y sunu a baha altura di tres trapi y comete destruccion ariba varios auto.

Polis a bay atende cu chauffeur di e Celta, cu lo ta amiga di esun sin paña. E la conta polis cu e dama concerni a yam'e y a pidi'e pa e busca for di Santa Cruz. Mientrastanto a baha e muhe sunu for di auto y pone sinta den e patrouille di Strandpolitie. Direccion Playa ya e muhe aki a cuminsa haci cosnan straño, tirando cosnan for di auto. E amiga, paso otro e no por ta a dicidi di hibe lama pa e calma, y nan a bay Tres Trapi. Eynan ta caminda cu tur locualpor a bay robes a bay robes. Aki ta unda cu e muhe lo a kita completamente sunu pero no a drenta lama, pero a scoge pa pasa na e bishitantenan y benta cos ariba nan. Momento cu e la haya un boter e lo a manda esaki contra windshield di un Lexus staciona causando daño na e auto, a wordo papia di mas cu 1 auto.

A pidi transportwagen pa hiba e muhe warda y tawata bisto cu e lo a uza un of otro substancia.

# Ban Caya!

**Cu Guardian Group Fatum**

Pick up your **Guardian Group cap or fan** for your chance to **Win 2 Tickets to Trinidad.**

Starting Monday, 13 February - Friday, 17 February, during office hours from **8:00 AM - 4:30 PM NON STOP**

**Did not register yet?**  
Scan here for more info (QR Code)

**SCAN ME**

**Guardian Group**  
Fatum

live easy

myguardiangroup.com




## Homber a bebe asina hopi alcohol, cu e la pass out y no tabata reacciona mas

**D**iasabra algo prome cu 8'or y mey di mainta, mientras cu e parada di Jouve Morning tabata yegando su punto final, na altura di Joe Laveist un homber a dal abou y no tabata reacciona mas.

Mesora a pidi pa presencia di polis y ambulance cu hopi urgencia, na yegada di polis y ambulance a bin constata cu e homber aki a bebe asina hopi alcohol cu su curpa no por a want'e mas, e la bay for di tino y no tabata ni reacciona mas.

E paramediconan cu a yega na e sitio, a cuminsa traha cu ne y cu hopi urgencia a transport'e pa hospital.



## Supuesto atraco a resulta di tawata rabiamento entre tres amigo intimo



**D**iabierna anochi polisnan a bay poco pura un adres na Pos Chikito, unda cu un atraco lo a tuma luga y tambe tin un persona herida. Polis y despues ambulance a yega basta lihe na e sitio, unda cu e persona herida lo a ricibi un kap altura di su boca y tawata sangra basta.

E caso mes no tawata mucho duidelijk e momento ey nan. A bin resulta cu no tawata tin nada di atraco, sino un problema entre tres persona masculino y tawata tin rabiamento. Dos ambulance a presenta unda cu e homber herida a wordo transporta pa Hospital, unda e lo mester haya tratamento pa e corta.

**LA VISTA**  
ARUBA

**VALENTINE'S DAY DINNER BUFFET**

Tuesday, February 14, 2023.  
5:30PM - 10PM

**\$55** per person  
+ 15% service charge.  
Including 1 glass of Prosecco

Live violin entertainment • Photobooth  
Aruba Marriott Resort • Reservations required • 520-6312



## Toyota Scion a pega candela yegando rotonde Pos Chikito

**D**iabierna den careda di 11'or y mey di anochi, polis y brandweer a wordo pidi cu urgencia, pabou di rotonde Pos Chikito pa un accidente di cual e auto a pega candela.

Na yegada nan a bin compronde cu un Toyota Scion, color preto, numera A 62721 cu tabata wordo maneha pa un cabayero, yegando rotonde Pos Chikito, e auto a pega candela den careda.

E chauffeur a spanta y a bay dal contra e vangrail pazuid di caminda. Mesora e chauffeur a sali for di e auto.

Brandweer na yegada mesora a drenta den accion pagando e candela. Polis a cera caminda for di rotonde drive inn, mirando cu e auto tawata full na candela. Bomberonan na e sitio a pidi toch pa un ambulance na e sitio pa haci un control medico ariba e chauffeur.



## Mucha levemente herida den boksmento na Paradera

PAN BATI, SCABECHI, SEAFOOD SALAD, SULZ, SANGER YENA, CONCOMBER OF PAPAYA STOBA, SANCOCHO, AWA DI PLAYA, QUESILLO, PANBOYO, BOLO PRETO AND MUCH MORE!

**AUTHENTIC  
ARUBAN &  
CARIBBEAN  
BUFFET**

*Elements*  
RESTAURANT

LOCATED AT BUCUTI  
& TARA BEACH RESORT  
RESERVATIONS REQUIRED

elementsaruba.com | +297 592 5868  
ADULTS ONLY | CASHLESS | NO SMOKING | NO GROUPS

**\$24.50**

SERVICE CHARGE  
INCLUDED



**D**iasabra mainta a sosode un boksmento ariba rotonde di Paradera pa Babijn. Den e accidente un persona lo a resulta herida. Na yegada di polis di trafico nan ta topa cu Forensys y ta wordo splica kico exactamente a sosode. Tawata trata di un boksmento entre un auto Chevrolet y un Suzuki Liana. E Suzuki Liana lo no a regula su velocidad y a dal tras di e Chevrolet unda tawata tin un menor di edad. Durante e impacto e mucha a resulta herida, sintiendo dolor na algun parti di su curpa. Na yegada di Ambulance e Paramediconan a bay atende cu e mucha. Polis di trafico a laga e chauffeur di e Suzuki supla pa controla si tin exceso di alcohol cu lo por a ocasiona e boksmento aki. E Suzuki Liana shinishi a wordo tuma den beslag y a bay cu takelwagen warda di polis.



Eddy Bennet (PPA):

## Inmoralidad di turista no tin luga riba nos One happy island

Cu asombro PPA a tuma nota di e suceso di e actonan publico. Hopi immoral cu a tuma luga diaranson siman pasa y e consecuencianan pa tanto nos economia como p'e imagen internacional di nos pais, relaciona cu e yegada di e barco crucero Atlantis cu 5 mil hende homber homosexual y nan comportacion bochornoso riba nos dushi isla Aruba.

Tur e imagennan di video cu a plama rond mundo via media social y e homosexualnan local, tabata soño di un comportacion hamas bisto publicamente na Aruba y cu a bin resulta den un realidad.

Asombro pa PPA tabata mas grandi ainda ora cu a resulta cu nan no a bin pa celebra Carnaval pero pa nan mesun celebracion publico di acto y comportacion immoral y falta di etica cu a laga pueblo di Aruba den un asombro hamas bisto. Unda Gobierno a keda, unda e parlamentarionan a keda y unda ATA a keda pa reacciona, sea pa cuestiona y distancia nan mes di e sucesonan bochornoso, immoral of cu nan tabata di acuerdo y ta sostene loke a tuma luga?

Nos ta inverti hopi placa den Fondo di Turismo pa promove Aruba rond mundo pa ricibi e turistanan y pasobra esey ta nos pilar economico mas grandi.

Nos ta depende di turismo y nos nivel di servicio y nos hospitalidad ta di renombre mucho halto, pa di e forma aki lag'e cay na suela door di un solo crucero cu 5 mil hende homber homosexual.

PPA ta puntra su mes ki preparacionnan y promocion a haci pa ATA na Merca pasobra ta conoci cu e liña crucero Atlantis a lanta specialmente pa organisa evento pa hende homber homosexual.

Riba 31 di januari di e aña aki ya caba tabata conoci cu riba e Site di Atlantis e barco The Harmony of the Seas, cu nan ta organisando e Crucero Gay mas grandi den historia, cu e rutanen bao di cual Aruba tambe tabata completamente sold out.

Tabata prohibi p'e pasaheronan divulga / haci publico (via Post online) loke cu tuma luga riba e Barco, pero a resulta cu un participante ferviente conoci como partygoer di e conocido Atlantis a remarca publicamente 'This year is going to be the wildest party for our community in 2 years'. 'I'm talking dirty dancing, sex, drugs, raves, orgies'.

Nada di loke tabata tuma luga riba e Barco no por a sali pa publico sin autorisacion di Atlantis. Pero na Aruba nos por a haya aparentemente djis un bista chikito di loke cu abordo

tabata tuma luga.

Aruba a experiencia esaki sin un solo tipo di limite di berguensa den dia cla, abierto pa mayor, mucha, comerciante y otro turista den vecindario di entre otro Bestuurskantoor.

PPA ta hala atencion di gobierno, minister di turismo y salubridad publico y ATA con e suceso aki por a tuma luga.

Ta ki maneho Aruba ta aplica pa promocion di Aruba mundialmente?

Gobierno tabata na altura di loke cu tabata na caminda y ki preparacion tabatin y cu cua instancia local responsabel?

Ta ki Imago Aruba kier despues di e suceso perverso aki y mas aleu PPA kier den e caso aki tene Atlantis responsabel p'e comportacionnan demostra.

Tambe duna boet na Atlantis y paga daño y perhuicio p'e imagen cu nan a dañá di Aruba.

PPA ta puntra tambe ta dicon Polis despues di a haya e prome kehonan no a actua y si a parti boet y ki capacidad KPA a pone disponibel pa actua den caso di comportacion immoral publico.

Ki palabracion e minister di turismo y ATA a haci cu Atlantis y otro posibel compania crucero cu ta of lo bay frecuenta Aruba pa loke ta trata e grupo LBGHTQI?

Kico ta aceptabel pa loke ta trata e entradanan di Pais y si Aruba cu su moral cristian y norma y balor kier sacrifica esaki pa placa?!

Nos tin cu bay nenga e cruceronan cu no ta tene nan mes na nos normanan y balor manera cu a pasa na aña 1998 na Bahamas y Cayman Island.

PPA ta sostene turismo pero enfaticamente ta señala cu tur turista cu bishita nos isla ta bonbini pero den cuadro di e limitenan di comportacion cu ta comun y coriente pa nos.

PPA ta para pa democracia social y ta contra discriminacion a base di rasa y of orientacion sexual.

PPA kier tambe pa ricibi comportacion aceptabel di turistanan conforme nos imagen di One Happy Island.

Durante ultimo eleccion PPA tabatin den su programa cu cada ciudadano na Aruba por ta sinti su mes sigur y cu e tin su derechonan salvaguardia.

Den cuadro di e desaroyonan actual y discusion di Matrimonio di Homosexual, PPA ta para pa matrimonio entre hende homber y hende muhe, manera stipula den Burgerlijk wetboek van Aruba y ta subraya articulo 12 di Tratado Europeo di Derecho Humano den cual ta stipula cu e matrimonio ta netamente entre homber y hende muhe.



Eric Ras(Curpa):

# Parlamentario Berlis y su partido a bandona e principionan di nos fe Cristian

**J**ohn F. Kennedy a yega di bisa no mira kico bo pais por haci pa bo sino mira kico abo haci pa bo pais. Parlamentario Berlis a expresa cu polis mester a haci su trabao dia cu su gobierno a permiti un crucero cu 5000 pasahero bin exhibi nan locura. Bo mester sa ken bo ta invita na bo cas. E gobierno cu abo Berlis ta sostene nunca a worry cu nos Cuerpo Policial y awor bo kier bin bisa cu polis no a haci su trabao. Sr Berlis no bin blame nos polisnan pa no a haci su trabao, blame bo gobierno cu pa na 4 ocasion no tabata tin opleiding di polis. P'esey awe tin scarsedad di casi 300 polis. Bo gobierno a permiti e crucero bin Aruba, kisas cu e meta pa pueblo adapta na e lifestyle cu bo gobierno kier pa pueblo custuma y cu bo no kier papia di dje.

Mi conseho na bo sr Berlis ta pa bo haci bo trabao como parlamentario y stop di ta ja-knikker. Si bo persona no por saca un man yuda polis e ora ey no papia mes con polisnan lo mester haci su trabao sino enfoca con lo bo mester haci esun di bo. Bo persona no ta funciona como parlamentario y no tin curashi pa sali na defensa di nos pueblo. Stop di sconde tras di firmanan encuanto e ley di matri-

monio di mesun sexo paso e mama di Amienda 7 ta partido mep. Unda bo moral como parlamentario a keda y ainda bo ta forma parti di un partido inmoral.

Nos scolnan ta na werki, edificio di ambtenaarnan ta na werki, KIA ta na werki, nos camindanan ta na werki, nos salubridad ta na werki, Serlimar ta na werki, salud mental ta na werki, Arubahuis na werki, Arubus na werki, Post Aruba na werki, Bubaliplas na werki, Warda di Polis Oranjestad na werki, refinaria na werki, edificionan di gobierno na werki paso e gobierno cu bo ta sostene ta na werki. Unico cos cu bo gobierno a haci den 5 aña ta malgasta placa di pueblo y haci pueblo mas pover cu tur e medidanan cu bo gobierno ta suta pueblo cu'ne. Bo no tabata tin e curashi pa para pa pueblo paso malgastamento di placa den Fase, loonsubsidie, vacunagate tur boso ta tapa pa pueblo no haya sa e berdad. Universidad di kico partido MEP ta!

E 17 puntonan di e metanan di desaroyo sostenibel cu mester ta implementa pa 2030 tin tur cos aden cu ta bay contra e libertad di nos pueblo. E agenda 2030 ta un agenda comunista cu gobierno di MEP ta forma parti di dje. P'esey no por spera ningun cambio den e gobierno aki. Acuerdonan cu nan mester cumpli cu'ne y un agenda diabolico ta contra e nucleo familiar. Sr. Berlis bo a bandona bo principio pa bo propio bienestar y ta lubida tur hende. Nos por a lesa cu ta ataca partidonan Raiz, MAS y Accion21 pa e concepto di ley di matrimonio di mesun sexo. Pakico ta laga partidonan MEP y AVP afo? E 3 partidonan ey hunto no por pasa e ley ey nan so paso nan no tin mayoria. Pa e ley wordo aproba e 5 parlamentarionan ey mester di minimo 6 mas cu ta sostene e ley aki y nos tur sa cu tin por lo menos 10 mas cu ta di acuerdo cu e ley.

Nos por a scucha tanto parlamentarionan di MEP y AVP bisa cu nan no ta contra. Si e geregistreerd partnerschap a wordo aproba dia 1 maart 2021 cu 17 parlamentario a vota na favor anto ta si spera cu e situacion no lo cambia. Dia 8 di September 2016 11 parlamentario di tanto partido MEP y AVP a vota na favor di Amienda 7. Democracia Real tabata un partido di 1 asiento. Aki nan a traha e fundeshi pa awe por sigui contribui. Nos di partido Curpa tanto den eleccion di 2017 y 2021 a spierta pueblo riba e tema aki. Pueblo ta kere cu despues di 7 aña e gobierno di MEP lo bay hala atras? For di 2016 pa awe den 2023 partido MEP a cambia di opinion? Den eleccion di 2017 partido MEP a gaña pueblo pa despues den 2021 claba e puñal den lomba di pueblo. Den e proximo eleccion partido MEP lo bolbe gaña pueblo pa voto pero si partido MEP sigui den gobierno lo no tin cambio.

E unico manera pa e ley aki no pasa ta si gobierno bay cas. E speranza di e pueblo Cristian ta partido Curpa paso partido Curpa den gobierno lo para e ley aki y pone e famia na prome luga paso nos ta desea di mira prosperidad di nos pueblo. Partido Curpa ta e unico partido cu a para pa e palabra di Dios y Dios su palabra no ta negociabel. Partido Curpa ta e instrumento di Dios pa sana e tera di Aruba y hunto nos reforma nos isla pa mira e cambio riba nos isla.





Miguel Mansur (ACCIÓN 21):

# Sectanan Cristian cu atake riba nos Democracia

Nos lucha victorioso pa Status Aparte a culmina den un Constitucion di Aruba cu ta e fundeshi di nos pais, e nacion Arubano. Diabierna ultimo a sosode algo lamentabel dilanti bestuurskantoor caminda un grupo di lidernan di sectanan Cristian a purba ocasiona un atentado contra nos Democracia. E tres pilarnan di cualkier democracia moderno ta:

1. Trias politico: separacion di podernan ehecutivo (Gobierno), legislativo (Parlamento) y hudicial (Corte)

2. Estado di derecho

3. Separacion di misa y estado

Articulo 1 di nos Constitucion cu ta regarda derechonan fundamental ta prohibi discriminacion pa motibo di religion, ideologia, afiliacion politico, rasa, sexo, color, lenguahe, origen nacional o social, pertenencia na un minoria nacional, poder economico, nacemento of pa cualkier otro motibo. Netamente e mesun articulo cu ta salvaguardia libertad di creencia ta garantisa minoranan sexual pa wordo trata igual den casonan igual incluyendo matrimonio civil. Specificamente Articulo 1 di nos Constitucion ta e base riba cual HOF a dicta na favor di Fundacion Orguyo habriendo matrimonio pa parehanan di mesun sexo.

Diabierna ultimo di forma oportunista tres lider di sectanan Cristian a congrega pafor di bestuurskantoor pa fomenta odio y division den nos pueblo. Nan a purba usa comportacion di mal gusto pa algun bishitante pa marginalisa mas ainda un comunidad vulnerabel y impone nan balornan religioso riba henter nos pueblo sin respet ningun pa nos Constitucion, estado di derecho y separacion di misa y estado.

E actonan condenabel a bay asina leu cu un di e lidernan di secta Cristian den conferencia di prensa a MENASA miembronan di Parlamento. Ta completamente inaceptabel cu un lider di cualkier fe ta menasa representantenan eligi di pueblo y asina purba subordina nos democracia na favor di nan tirania teologico. Purba destrui dos di e pilarnan di nos democracia y hiba nos pais bek den tempo pa middeleeuwen no por wordo permiti.

Nos a spera liderazgo di parti nos gobierno pero desafortunadamente esey no ta loke nos a mira. E mesun actornan cu a organisa e atentado contra nos democracia y menasa nos representantenan eligi a ser ricibi pa Prome Minister sin mas. Esnan huramenta pa defende nos Constitucion, nos estado di derecho, separacion di misa y estado a sucumbi na e forsan di odio y division cu kier viola balornan Arubano di biba y laga biba.

Lidernan di secta stranhero cu kier bin fomenta odio y division den nos pueblo y destrui e fundeshi constitucional di nos pais mester wordo




declara persona non-grata, nan permiso revoca y deporta bek pa nan pais sin mas. Nos leyman cu ta prohibi discriminacion mester wordo aplica pa salvaguardia e harmonia di nos pueblo y nos paz. Organisacionnan religioso cu kier mete den politica mester cuminsa paga belasting. Gruponan religioso cu kier eherce poder politico tin tur derecho pa forma un partido gana eleccion y despues habri nan boca. E pagado di belasting Arubano cu ta contribui mas cu un miyon florin pa aña na subsidio pa e misanan mester haya e escogencia si su placa ta bay pa misanan of no.

Nos partido lo sigui defende Constitucion di pais Aruba pa salvaguardia bienestar di nos pueblo y e nacion Arubano. Nos representante eligi lo sigui duna balor real y nunca desvia di su huraumentacion:

“...dat ik de Staatsregeling van Aruba steeds zal helpen onderhouden en het welzijn van Aruba naar mijn vermogen zal voorstaan. Zo waarlijk helpe mij God Almachtig.”

*Alejandro Duque Beauty Salon*

**Yama pa un cita pa tur bo  
corte di cabey, tiña y blow**



Yama pa un cita: (297) 564-4412



Prome Minister Evelyn Wever - Croes:

# CAFT a muestra disponibilidad pa traha hunto pa soluciona retonan den comunidad

Durante reunion cu Consejo di Minister

Consejo di Minister a reuni cu Col-lege Aruba Financieel Toezicht (CAFT) y e Presidente nobo sra. Lide-wijde Ongerling cu ta prome biaha na Aruba. Cada Minister tabatin espacio pa elabora riba retonan den diferente sector den comunidad. Premier Evelyn Wever - Croes duna di conoce cu ya a cera conoci cu e Presidente sra. Ongerling virtualmente, pero esaki ta e prome biaha cu ta cera conoci cu ne personalmente den Consejo di Minister.

CAFT ta bin Aruba cada tres luna y durante di nan bishita nan ta reunion cu Consejo di Minister pa comparti nan opinion riba con Aruba ta bayendo financieramente.

Prome Minister Wever - Croes a remarca cu e biaha aki e reunion tabatin un tono hopi positivo. CAFT a expresa cu nan ta mira cu economia ta mehorando, turismo ta bayendo bon, tin hopi elogio pa e hecho cu Aruba tin un surplus den e presupuesto, y nan a elogia varios decision cu Aruba a bin ta tuma. Algun area di preocupacion cu nan a expresa ta, cu nan kier mira mas entrada di impuesto y lo kier mira cu ta baha gastonan.

## Reunion tocante recorte den sector di cuida

Importante den e biaha aki tambe ta cu CAFT a reuni apart cu Minister Dangui Oduber y su ekipo. Manera ta conoci, un di e dolornan hopi grandi na Aruba ta cu e sector di cuida ainda tin recorte pa loke ta e dokternan, specialistanan y fisioterapistanan, cual lo kier elimina. Pa haci esaki ta reconoce cu mester di e fondonan disponibel. E reunion aki a bay bon y Minister Oduber ta buscando alternativanan pa asina por kita e recortenan aki.



## Reunion tocante companianan estatal cu tin perdida

Un otro reunion cu tambe a bay ta entre CAFT y Minister Ursell Arends tocante Serlimar. Pa basta tempo CAFT tabata pone presion riba gobierno pa tuma decision tocante Serlimar, y aworaki nan a mira e plannan di Minister Arends.

Segun Prome Minister Wever - Croes a splica ta nan a papia tambe di companianan estatal cu tin hopi perdida por ehempel Arubus cu tin bou di dje, Arutram y Aruparking. E compania aki tin hopi perdida pues ta gobierno ta subsidia esey. Minister Arends a muestra kico e ta haciendo y estudionan cu a wordo haci pa por yega na un solucion cu e trabou di transporte publico por sigui wordo haci y cu kisas no tur cos cu ta wordo haci awo lo tin cu sigui wordo haci. Mescos ta e caso pa Post Aruba NV cu tambe ta un compania cu tin hopi perdida cu ta preocupante.

## Mas topico cu Ministernan a trata cu CAFT

Un otro tema cu a trata cu CAFT ta e necesidad pa un prizon nobo y con por hinca esaki den presupuesto si no tin placa pe, y con por yega na fondo pe. Pues hunto lo traha pa yega na solucion pa esey. Pa loke ta enseñansa, Minister Endy Croes a treci dilanti cu investigacion ta muestra diferente punto cu tin

cu wordo atendi cu ne, pero cu tambe mester di fondo pa esey.

Minister Geoffrey Wever a muestra cu pa diversifica economia tambe mester di placa.

Tur e necesidadnan aki ta encera inversionnan inicial cu despues comunidad lo haya hopi mas entrada di dje.

Considerando con e reunionnan a bay, Prome Minister a expresa cu a constata cu CFT awo ta habri pa papia di e problemanan grandi cu tin den comunidad enbes di cu tin discusion tocante con e presupuesto ta hinca den otro.

CAFT a indica di ta dispuesto pa traha hunto pa soluciona e retonan grandi. 'Hunto cu CAFT lo sigui kibra cabes y logra pa soluciona tur e retonan cu bin nos dilanti, pa asina e aña aki ta e aña cu realmente ta recupera nos economia, finansa y crea cupo di empleo nobo diversificando nos economia pa tur mama y tata di famia por tin un trabou digno pa nan por mantene nan famia.'

Finalizando Prome Minister Wever - Croes a bisa cu tin bon entendimento cu CAFT y a palabra cu lo bay mira con e siguiente lunanan ta bay.

Den caso cu mester ahusta cifranan den presupuesto lo haci esaki a traves di presupuesto supletorio cu lo bay Parlamento.



# IQOS, un producto di tabaco keinta cu ta birando un alternativa pa humadonan adulto na Aruba

IQOS ta un alternativa pa reduci riesgo pa humadonan adulto. Sin huma y shinishi, e producto ta reduci, un averahe di 95% di exposicion na toxico dañino haya den huma di sigaria.



**P**hilip Morris International ta presenta su vision 'smoke free' (liber di huma) pa Aruba cu un plan di distribucion amplio pa IQOS, e compania su dispositivo di tabaco keinta y un alternativa pa reduccion di riesgo contrario na e sigaria tradicional.

Casi 100 humado di sigaria adulto riba nos isla ya caba a switch pa e producto aki cu a keda crea y ta mercadea pa Philip Morris International (PMI). Aunke no completamente sin riesgo, ya cu e ta emiti nicotina, cual ta adictivo, IQOS ta reduci grandemente, un averahe di 95% exposicion di toxico cu por wordo haya den huma di sigaria.

IQOS tin un sistema cientificamente sostiene cu ta keinta e tabaco na lugá di kima esaki, eliminando huma, cual ta e fuente principal di e daño causa dor di humamento. Otro beneficienan cu por wordo haya den IQOS ta cu humadonan adulto ta disfruta di e sabor real di tabaco pero, sin e holo na nan paña, of curpa pa motibo di ausencia di huma y shinishi di sigaria.

IQOS ta un parti importante den nos ambicion pa reemplaza sigaria cu productonan sin huma y Aruba tin un oportunidad pa forma parti di esaki. Pa acelera e vision aki, nos ta acercando mas humado adulto mediante diferente punto di benta na Aruba, mientras cu nos ta ofrece tambe tur informacion cientifico necesario pa e humado por tuma e miho decision pa nan mes y nan salud," esaki di acuerdo cu Laureano Rodrigo, gerente general di PMI pa Aruba y otro islanan den Caribe.

## Sostene Cientificamente

Instancianan grandi ta confirma cu IQOS ta un dispositivo pa keinta tabaco fundamentalmente diferente y ta un miho opcion cu sigaria tradicional pa un adulto cu di otro manera lo sigui huma. Por ehempel, IQOS 3 y IQOS 2.4 ta e unico dispositivo alternativo electronico di nicotina inhalable aproba dor di FDA como un producto di tabaco cu riesgo modifica.

IQOS ta presente den 70 pais, ya tin alrededor di 20 mion humado cu a scoge pa e miho alternativa aki. Pa mas informacion relaciona cu e ciencia tras di IQOS: [Home \(pmiscience.com\)](https://www.pmiscience.com)

**Por favor Adopta mi**



**CAT Adoption DAY**  
**March 4, 2023**  
**BESTIAL PET SHOP**  
**TANKI FLIP 119, LOK 1**  
**10AM-4PM**



**Nine Lives**  
ARUBA

**BESTIAL**

- MUST BE INSIDE CAT
- ADOPTION FEE AFL 75,- (INCLUDES STERELIZATION AND 1 X FLEA TREATMENT)
- CAT LITTER BOX TRAINED



# PARADA DI MUCHA TABATA CHIKITO Y DEMASIADO VEHICULO



**D**iadomingo merdia pa 2:00pm SMAC conhuntamente cu Cuerpo Policial a haci inicio na e parada di mucha na San Nicolas. Tabata tin 4 grupo y mas o menos 650 participante. Hopi chikito si mester compara cu paradanan den pasado.

Ta danki na e gruponan di Noord cu a haci e parada aki un tiki grandi toch pa e espectraldornan. E cabes a yega 6:00pm na YMCA San Nicolas y pa 6:45pm e parada a yega su final. Exactamente pa 8:00pm a kima e momito.





# Testamento MOMITO

**C**arnaval Carnaval, ay ki dushi ta Carnaval.

Awe ami MOMITO, e yiu mas inteligente di Rey Momo, Primo di e reinanan, Tio di nos prins cu Panchonan, Rey di caminda ta cla pa duna su testament pa Carnaval 69.

Aki mi kier a duna algun punto cu mi ta desea pa nos traha riba dje pa hunto nos crece un biaha mas e Carnaval di nos muchanan.

## 1. Carnaval ta Bida

E mesun bida aki Momito ta desea di mira bek den nos Parada di Muchanan, nan Inocencia, nan sonrisa, nan alegria mester ta nos motivacion di cada dia. Carnaval ta goso y diversion, ta momento pa nos tuma accion pa duna Carnaval di Mucha proteccion.

## 2. Harimento ta parti di Bida

Momito ta desea di mira mas participacion di Prins cu Pancho. San Nicolas, Savaneta, Noord, Dakota y asta Rancho. Na docentenan mi kier a pidi boso pa motiva nos muchanan, ban trece e arte di conta chasco bek, e ta algo masha pret.

## 3. Participacion ta yena tur nos cu emocion.

Momito su curason lo ta yena di Felicidad si otro aña mas reina competi. Scolnan, Club, Centro di Bario y Fundacion, ban traha hunto pa yega na un solucion. Nos tin hopi hende talentoso y cu ta haci cu e participacion no mester ta mucho costoso.

## 4. Shon Kriticonchi tin hopi ... Think Twice before your click

Hopi critica Momito a lesa y scucha e aña aki. Esaki ta haci Momito su curason bira tristo y chikito. Unabes di sinta critica un ta mas miho lora manga y cuminsa aporta na nos celebracion. Ban uni como un gran nacion pa sigui muestra mundo con nos ta sigui cu nos tradicion. Yuda y duna bo aporte nan nos futuro generacion.

## 5. Musica ta alegria

Momito ta contento y a baila masha hopi riba e musica di nos tumberitonan y tambe nos Calypso y Roadmarch. Mi a baila e Baby Smoke Stoke, Mi a Break Away na ordo, y mi a corda semper cu The Show Must Go On y rato rato ora mi pianan a cansa poco mi a yama 911. Ora e tumba dushi a dal mi a subi e Trein di Ambiente y mi a sinti mi den Salon di Fama. Muchanan sigui canta y engrandece nos Carnaval

## 6. Un conseho semper ta na su luga

Na Mami y Papi un peticion di curason, Momito ta desea pa pidi boso duna mas atencion ora di tuma un decision. Momito so wowonan a bira cuadra di mira muchanan den Jouvert .. NO POR. Sin proteccion di orea ... ROBES Sin proteccion conta solo... Ta KICO TA PASA DEN BO CABES. Nan mester awa pa hidrata mas mes. Nos muchanan tin derecho riba cuido y proteccion, abo como mayor please tuma e miho accion.

## 7. Educacion parti fundamental di nos nos desaroyo.

Un movimiento positivo cu Momito a tuma nota di dje ta e jump up nan escolar den bario cual ta duna nos muchanan e oportunidad di por diberti y tambe jump den un parada. Mi kier a motiva e scolnan pa sigui haci esakinan. Lo ta great pa Carnaval 70 mas scol uni hunto y asina por join tambe e paradanan principal di Carnaval.

## 8. Carnaval ta di Aruba, tur bario uni pa un Carnaval por sigui crece.

Momito kier a duna un felicitacion special na e team di Noord cu aña aden aña afo ta lucha pa nan parada sigui, cu nan eleccion di reina y cu nan participacion activo den nos Carnaval, esaki ta un bon ehempel pa otro districtonan na Aruba, nos por haci nos Carnaval e fiesta mas grandi di pueblo.

## 9. Mehoracion ta e clave di Superacion

Momito ta consciente cu tin cosnan pa



mehora, ya caba mi a laga mi lista atras pa Mr.Cocoliso ( Ay Dios no ta prins cu Pancho esaki ta ) Mi kieren cu Mr. Darren pa asina hunto cu e team di SMAC pa traha pa nos Carnaval di Mucha por sigui engrandece

10. Na tur nos muchanan y hobennan, aunke momito ta bay, corda sigui representa Carnaval durante henter e aña, unda cu boso bay saca cara di nos nos muchanan y hobennan. Dyshell, Aiden, Lucas, Shaqion, Ziah Amalia, Jennely, Carl Anthony, Caylee, Carl Jr, Zenae, y Jorienne y tur participante... Danki pa boso presentacion radiante, mi ta desea boso un mundo briyante.

Mi sa cu pronto mi ta wordo kima pero mi ta bay laga boso cu e promesa cu otro aña lo mi renace atrobe manera un Ave Phoenix pa ta e guia y protector di nos mucha y hobennan.

Danki na tur esnan cu a traha pa nos Carnaval.

SMAC cu ta e organizado principal, Shon Polis, Ambulance, Cuido di Emergencia, Musico, Decorado, Costurera, tur tur persona cu ta yuda den e celebracion aki. Ban traha den union pa Carnaval 70, unda nos lo hisa benta y nos lo sigui celebra teniendo nos muchanan bon na cuenta.

Un saludo Carnavalesco...

Boso dushi di Carnaval

MOMITO



# LIGHTING PARADE ORANJESTAD





# JOUVERT MORNING & CAYA PADEN 2023





# Reina y Princesita di Filomena College Mavo

Cu permiso di SMAC y KPA, Filomena College MAVO a tene su eleccion di reina di carnaval 2023. Den Centro di Bario Brazil, publico a disfruta di un eleccion colorido y bon hinca den otro.

E organisado tawata meneer Addonsito Croes y cu bon ayudo di juffrouw Jorainne Oduber. E miembronan di Hurado tawata Mieckey Gravenhorst, Milda Tromp, Alysa Simon, Sammy van Eenenaam, Thessaly Zimmerman, Eldrith Henriquez y Kapil Sawilani como presidente di hurado. E musica tawata di DJ G y e MC meneer Addonsito. E regla principal tawata cu tur trahe mester tawata di material recicla.

## E resultado:

### Princesita:

Anwizyanne "Zizi" Geerman  
First- runnerup: Maya Gordon  
Best Speech: Zizi Geerman  
Best Show: Zizi Geerman  
Best Costume: Zizi Geerman  
Popular: Zizi Geerman

### Youth Queen:

Ishmara Cornelia  
First- runnerup:  
Jeanique Flanders  
Best Speech: Kayley Ridderstaat  
Best Show: Ishmara Cornelia  
Best Costume: Ishmara Cornelia  
Popular: Jeanique Flanders

Den carnaval ta dificil pa haya colaborado pero Directorado Raquel Lampe y Jorainne Oduber ta manda danki grandina Mieckey Gravenhorst, Lucky Store Savaneta, Compra NV, Setar NV, Romar Trading, Marthijn Trading, WOW Cosmetics, Coffee Table Aruba, Magic96.5 fm y cada maestro y empleado di Filomena College MAVO p'e sosten na realisacion di e anochi.





## Duo Leent y Narcisse condena pa exportacion di cocaina

**WILLEMSTAD** - E duo, ciudadanonan di fam Leent (21 año) y Narcisse (27 año) tabata den sala di corte diabierna, acusa di transportacion di cocaina pa Hulanda. Ta trata aki di e cantidadnan di 3.663 gram y 3.692 gram di cocaina y tabata riba e fecha 31 di october cu e intentonan a tuma luga. Remarcabel ta cu e duo a buk ticket riba e mesun dia, nan a biaha riba e mesun dia, tabatin e mesun sorto di maleta y e droganan tabata di e mesun manera impaceta, anto casi e mesun cantidad.

Toch e duo, segun fiscal señora mr. Ter Borg, ta sigui haci como si fuera nan no tin nada di haber cu otro y cu nan no ta parti di un plan total. Leent y Narcisse a sigui bisa cu nan no tabata sa nada di otro. Tabatin e palabracion cu mester a sconde un parti di e droga den jockey, pero e cantidad total di droga tabata mucho mas cu loke doño di e droga

a bisa nan cu mester keda transporta. Narcisse a bisa cu e no tin trabou y cu el a haci tur sorto di esfuerso pa haya un trabou, pero esey no obstante tur esfuerso no tabata logra te cu el a bira desespera pa e motibo pesimo cu e tabata pasando. Papiando cu amigo, el a haya e recomendacion pa purba pasa droga, anto. Rapport di Reclassering a duna Ministerio Publico e recomendacion pa den e caso aki sigui e trayecto di duna yudansa na e duo, combina cu castigo di trabou, pero fiscal mr. Ter Borg a haya, mirando e cantidad di droga cu ta trata di dje, esey no ta posibel. Abogado señora mr. Naomi Themen -Cairo a mostra cu no obstante tur casualidad, no ta nifica cu e duo a traha hunto y cu nan ta parti di un grupo pa haci esaki. Tambe e abogado a opina cu e trayecto indica pa Ministerio Publico ta cuadra mas cu e circunstancia di su clientenan. E fiscal a demanda un castigo di prizon di 30 luna incondicional. Hues mr. Snitker, sinembargo a yega na otro conclusion, esta un castigo di prizon di 24 luna di cua 8 luna condicional y mara na esaki guia di Reclassering pa e acusado Leent.

## Hues mr. Snitker a dicidi cu reconstruccion di e caso ta necesario

**WILLEMSTAD** - Den sala di corte tabatin diabierna e homber Ishentley Boelbaai di 24 año di edad, kende a keda acusa di atraco den e sentido di a ranca telefon mobil for di man di un persona y a dal e telefon abou kibra, losmento di un tiro cu arma di candela, pues sea intento di asesinato y of intento di menasa, posesion di arma di candela y tambe menasa. Manera hues mr. J. Snitker a trece padilanti lo ta trata aki di un conflicto entre 2 grupo y esaki a tuma luga, cuminsando dia 15 di juli 2022, pa continua dia 17 di juli. E suceso lo tin di haber cu imagennan cu a circula den medianan social, caminda un persona a keda trece padilanti di un forma difamatorio. Enfin, e problema a escala y tabatin tiramento cu arma di candela dia 15 di juli 2022, caminda polisnan a constata na unda precies e bala a pasa.

Tabata algun persona di fam Jonge cu a haci e denuncia. Nan ta bisa cu ta Ishentley Boelbaai a saca arma di candela y tira, pero esaki na su turno a nenga redondamente, bisando cu absolutamente no tabatin ningun tiramento cu arma di candela. Den su descripcion di loke nan a sosode por tuma nota cu e acusado Ishentley Boelbaai ta presenta henteramente un otro version, el a sigui nenga redondamente cu e tabatin arma di candela te pa el a tira.

Tambe e asunto di rancamento di telefon for di man di un di e denunciantenan cu a keda considera como atraco, e acusado a nenga. Pa loke ta trata e tiroteo dia 15 di juli, testigonan a bisa cu Ishentley Boelbaai ta esun cu a tira, pero categori-

camente Boelbaai a nenga esey, bisando cu no tabatin nada di tiramento. Es mas, e acusado Ishentley Boelbaai a bisa, contestando mr. Snitker, cu e no a tende ningun tiro di bala, pasobra e presentenan tabata haci asina tanto bochincha cu e no a tende ningun tiro di bala. Pa loke ta trata dia 17 di juli cu e friccion a continua, caminda enberdad Boelbaai a bay cerca e denunciantenan y caminda mas persona tabata presente, el a pidi pa dun'e e telefon di un di nan y cu e persona voluntariamente a dun'e esey, pero cu ora e telefon a cay abou e doño no kier a coy for di suela, pues di su parti no tin ningun cuestion di rancamento di telefon for di man te pa papia di atraco. Pero en realidad aki atrobe tin un otro version cu Boelbaai a menasa Dambruck y Pinedo, bisando si un hende habri su boca e ta pone nan drumi na suela.

Tambe a bini padilanti cu tratamiento di e caso a sufri tardansa, pasobra Ishentley Boelbaai no kier a coopera y hasta tabata como si fuera el a rechasa intervencion di abogado señora mr. T.F. Smeulders. Fiscal señora mr. Monique Dennaoui-Simon a concentra riba e ruta cu e bala a sigui, mustrandocu enfasis con peligroso e situacion cu a surgi tabata y cu esey facilmente por a alcanza cualke persona cu tur e consecuencianan fatal esaki por a causa.

Tambe rancamento di telefon for di man di un di e denunciantenan a bini en extenso padilanti y cu a figura como si fuera atraco. Fiscal señora mr. Monique Dennaoui-Simon finalmente a demanda un castigo di prizon di 10 año pa e acusado Ishentley Boelbaai. Hues mr. Snitker, scuchando tur loke a bini padilanti a dicidi cu mester tene un reconstruccion di e caso dia 23 di maart proximo y 19 di april continua y tuma un decision final.



## Sentencia den e caso di Josue Nicia lo ta dia 1 di maart binidero

**WILLEMSTAD** - E ciudadano Josue Nicia tabata den sala di corte diabierna atrobe, pero e biaha aki acusa di ladronia di baterianan di auto den un minimarket riba Rooseveltweg cerca di Blanquillaweg (Buena Vista).

En principio 2 ciudadano ta involvi den e ladronia aki, pero te ainda ta solamente Josue Nicia autoridadnan a logra pone man riba dje, segun fiscal señora mr. S. Polderman. Pa cuminsa Nicia ta un bon conoci di husticia, e tin un trayectoria bastante largo di actonan castigabel comete, cuminsando na aña 2012 cu ladronia, na aña 2013 atrobe castiga pa 12 luna di prizon di cua 6 luna condicional, anto na aña 2020 atrobe ladronia pa cua a castigo na 12 luna di prizon, di cua 7 luna condicional. Josue Nicia a comete e acto castigabel aki siendo den su periodo di prueba.

Imagennan di video cu a keda demonstra den sala di corte diabierna y a mostra un Kia Picanto blanco cu e plachi di number R 16-48 core yega cu speed halto para na e negoshi pa di forma inmediato 2 homber bula baha for di e vehiculo, drenta e negoshi y hisa stapel di baterianan di auto pone den bahul, caba core bay.

Chauffeur di e Kia, segun autoridadnan

lo ta Josue Nicia, kende ½ ora prome cu e ladronia a pasa na e mesun negoshi pa orienta di manera cu por a haya un bista cla di tanto e number di auto como algo di plak riba e auto cu ta un diseño di 'Apple'. A tira riba e doño y lesion'e na parti ariba di su curpa, segun un testigo. doño di e negoshi no a recupera di e angustia cu el a pasa aden. Confrontando Josue Nicia cu tur e señalnan, el a nenga categoricamente, pero tur indicacion tin cu ta e propio Josue Nicia ta un di esnan responsabel pa e acto castigabel aki. Hues mr. Sigmar Carlemia a puntra Nicia si ta pa su mala suerte e mesun auto cu algun rato prome e tabata aden ta involvi den e atraco aki.

Pa colmo su mama a bisa polisnan di a reconoce su yiu riba e video, referiendo na su postura, colo di cuero, sapatonan preto cu e tabatin bisti cu ta cuadra exactamente cu esun riba e video, di e atracado. Enfin, e auto ta mescos, e persona tambe, anto como si fuera no ta basta, e hecho cu su mama a reconoce, segun fiscal. Pa colmo hasta su uniform shinishi di 'security', paña di trabou e tabatin bisti ainda.

Otro punto cu ta resalta ta sinta den e hecho cu den e caso aki atrobe a sosode cu malhechornan deliberadamente ta uza autonan cu glasnan



sucu pa comete e tipo di actonan aki. Ta presis loke tur hende a anticipa na momento cu e ley aki tabata den tratamiento cerca Parlamento. Ta otro prueba cu e ley di glasnan sucu ta facilita actonan condenabel. Abogado señora mr. Gelardine Scheperboer Parris a trata na para keto na e hecho cu su cliente tin un tatuahe na curpa y a indica cu lo mester por mira esaki claramente na curpa di su cliente.

Enfin fiscal a yega na un demanda di 8 aña castigo di prizon, kitando e periodo cu el a pasa den aresto preventivo. Hues mr. Sigmar Carmelia despues di un pauze cortico a conclui cu e lo tuma algun dia mas pa studia e caso di manera cu dia 1 di maart binidero pa 13.45or e por dicta sentencia.

## Caso di Nepomuceno ainda no ta cla pa tratamiento

**WILLEMSTAD** - Keto bay tratamiento di e caso di e ciudadano Nepomuceno ta wanta riba investigacionnan cu mester keda haci, esta recibonan cu mester studia ainda di parti di Ministerio Publico. Ta trata aki di denunciacion haci contra Nepomuceno di robo y of ladronia di plachinan di beton, palet d cement cu ta pertenece na un ciudadano di fam Vicario. E supuesto acto di ladronia lo mester tabata durante e periodo 25 di mei 2022 pa 26 di mei 2022. Pa su defensa e acusado Nepomuceno tin abogado señora mr. Tromp.

E caso aki a bini varios biaha padilanti, pero keto bay pa e mesun rason cu no a caba di studia e recibonan, no por bolter e blachi aki ainda y cera e episodio aki.

Diabierna e caso aki a bolbe bini padilanti y tabata presente tur esnan concerni, esta hues mr. J. Snitker, abogado señora mr. Tromp, e acusado Nepomuceno y fiscal di Ministerio Publico. Atrobe a constata cu no a pasa den e recibonan ainda, como tal mester plania un otro fecha pa e tratamiento.



*Fortaleza Pa Famia*

# Cristo Hesus tin tur poder y tur autoridad

**DEN Efesionan 1:19-21 ta para skirbi:** Y poder pa cu nos cu ta kere, segun e obramento di e forza di Su poder. Cu E a eherce den Cristo, ora cu E a lant'E for di mortonan, y a haci'E sinta na Su man drechi den luganan celestial.

Mucho mas halto cu tur gobierno y autoridad, y poder y dominio, y tur number cu ta wordo menta, no solamente den e siglo aki, ma tambe den esun cu ta bin. E a somete tur cos bao di Su pianan, y a dun'E como cabes riba tur cos na e iglesia, cual ta Su curpa, e plenitud cu ta yena tur den tur.

P'esey tambe Dios a hals'E te na e alturanan, y a dun'E e number cu ta riba tur number, cu pa e number di Hesus, tur rudia mester dobla, di esnan cu ta den cielo, y riba tera y bao di tera. Y cu tur lenga mester confesa cu Hesus Cristo ta Señor pa e Gloria di Dios Tata.

Ta masha peligroso pa reta of challenge Dios, pasobra esey ta muestra falta di conocimiento spiritual y bobedad humano, pasobra simplemente den Su number tin poder pa domina tur cos.

Hende grandi ta bisa cu ora bo duna mucha un dede, mañan nan kier henter bo man. Hende ta papia sin pensa, y hopi biaha nan ta cay den nan mes trampa, ora nan cuminsa pensa cu nan ta Dios.

Ta un pensamiento cu tin riba mundo, cu nos por tene Dios for di un asunto, pero locual ta sosode ta cu nos sa ora e cos ta contra Dios su boluntad, of ora e asunto tin mentira den dje, nos ta prefera haci cos riba nos mes.

## Palabra di Dios ta siña nos:

Cu caminda dos o tres ta reuni den Su number, Dios ta memey di nan.  
Cu tur locual nos pidi Dios den number di Hesus, E ta haci pa nos.  
Cu si riba tera dos hende bay di acuerdo tocante cualkier cos cu nan pidi, esaki lo wordo haci pa nan door di mi Tata cu ta den cielo.

Ora nos lanta y kere den e poder di oracion, nos lo mira, y conoce e poder di Dios.

Di berdad, di berdad Mi ta bisa boso, esun cu kere den Mi, e obranan cu Mi ta haci, e tambe lo haci, y obranan mas grandi cu esaki lo e haci, pasobra Mi ta bay cerca e Tata.  
Tur loke boso pidi den Mi number, esey lo mi haci, pa e Tata wordo glorifica den e Yiu.  
Si boso pidi algo den mi number lo mi haci'E.

Cristo Hesus kier laga nos sa, cu no tin nada cu nos pidi y kere, cu e no por haci pa nos, pasobra E tin tur autoridad, y su autoridad ta mas halto, pasobra solamente Cristo por calma tempestad.


Solamente den e number di Cristo Hesus enfermedadnan ta wordo sana, y hende ta wordo libera, for di cadena di satanas.

A yega momento pa tur hende realisa cu e number di Cristo Hesus ta e number riba tur number, y tur e esnan cu ta kere den su number, lo haci cosnan grandi, y nan lo vence tur adversidad den Su number.  
**Hesus a hala cerca y a papia cu nan bisando:** Tur autoridad a wordo duna na Mi den cielo y riba tera.

P'esey ta tempo pa nos tur para firme y kere den Su number, pasobra den e number di Cristo Hesus tin poder, y Su compasion y misericordia ta grandi pa nos.

*Sinceramente, Pastor Marcel Balootje*





"Laga tur locual ta sperami ta bunita, Laga cu tur locual cu mi encontra na caminda ta bunita, Laga tur locual cu ta rondonami ta bunita, Laga tur locual cu mi a laga atras keda bunita, y laga esaki nan termina den tur bunitesa".

Cu profundo tristeza na nos curason pero agradecido pa locual el a significa pa nos, nos ta anuncia fayecimento di:

## Sra Juliana Elizabeth Figaroa-Geerman

Miñor conoci como "Lies" of "Liesje"  
\*08 april 1961 – †06 februari 2023

Na number di su:

**Mayornan:**

† Genaro "Shon Hen" Geerman y

† Frida Candelaria "Chida" Geerman-Wolter

**Esposo:** Benjamin "Jimmy" Figaroa

**Yiu:**

Shaluzdin Figaroa

Benjamin "Juni" y Yamelies Figaroa-Petit

**Nieta:**

Giandra Erasmus y Pablo Thijsen

**Nieto:**

Giandre Erasmus y Eugeny Doulabi

Giand-marc Erasmus

Benjamin Figaroa

Benson Figaroa

Tanta l omonan, Swa y cuñanan, prima y primonan, comer l compernan, su bisiñanan, amiga l amigonan, conocirnan l amistadnan.

**Amiga di cas:**

Aida Matos Gomez y famia, Ivonne Rosa, Lusmarie, Tanja

**Famianan:**

Figaroa, Geerman, Erasmus, Petit-Colina, Thijsen, Doulabi, Wolter, Tromp, Croes, Holsman, Quandt, Oduber, Albertus, Schenker, de Lange, Jaquin, Martinuz, Odor, Loefstok, Franken, Lake, Agumbero, Schuultens, Fortin, Ayala, Perez, de Cuba, Rodriguez, Benita, Orman, Franklin, Gonzalez, Irausquin, St. Jago, van Balkom, v/d Linde, Arends, Christiaans, Lampe, Dirksz, Semerel, Trimon, Fingal, Herms, Jacobs, Lacle, Dijkhoff, Wever, Rasmijn, Werleman, Vrolijk, Luidens y demas famia.

I cu gradecimento na staff, personal l voluntario nan di hospice atardi.

Acto di entierro lo tuma lugar **Diaranson 15 februari 2023** di 2or pa 4or na Misa Santa Ana na Noord for di 2or e restonan mortal lo ta reposa den Misa Santa Ana y despues lo hiba nos defunto stima na su ultimo lugar di sosiego na santana catolico na Noord.

**Adres pa Condolencia:**

Aurora Funeral Home

Diamars 14 februari 2023, 07:00-09:00 PM

Nos disculpa si den momento di dolor nos por a lubida algun familiar.



Ta Abo ta Esun cu a saca'mi for di barica di mi mama; Bo a haci'mi confia tempo cu mi tabata na pecho di mi mama.

For di mi nacemento mi a wordo entrega na Bo; for di den barica di mi mama Bo tabata mi Dios.

- Salmo 22: 9-10

Cu dolor na nos curason, nos ta participa fayecimento di nos ser stima:

## Sr. Silvio A. Nadall

\*11-01-1945 - †09-02-2023

Acto di entierro lo wordo anuncia despues



THE LORD IS CLOSE TO  
THE BROKENHEARTED  
AND SAVES THOSE WHO  
ARE CRUSHED IN SPIRIT.

PSALM 34:18



Ministerio di Asunto Economico, Comunicacion y Desaroyo Sostenibel kier extende palabra di profundo condolencia na famia y amistadnan di:

## Sra. Dominica "Carmen" Croes-De Cuba

Wela di minister Geoffrey B. Wever

Nos ta desea minister Geoffrey Wever y demas famia hopi forza den e dianan dificil aki.


Cu Sra. Dominica "Carmen" sosega na paz.



MINISTERIO

Asuntonan Economico, Comunicacion  
y Desaroyo Sostenibel





"Dios ta amor... y amor ta Dios,  
maske mi no ta na e mundo aki,  
tur dia lo mi ta banda  
di boso Curazon, mi por stens di loke  
Señor ta hasi"  
Salmo 33

Cu profundo tristesa na nos curason,  
nos ta participa fayecimento di nos  
ruman y tanta:

## Jolanda Filomena Kelly

Cariñosamente yama "Tanta Anda,  
Pechi"

\*13 mei 1945 - †7 februari 2023

Na number di:

### Rumannan:

†Hose "Cheche" y Ursula Giel-Tromp  
Alida y † Chou Tromp  
†Ruben Kelly  
Bernadeta y † Nildo Donata  
† Casimiro Kelly  
Raymond y Lucy Kelly-Croes

### Stima manera yiu:

Remy Nicolaas y famia na Hulanda

### Sobrina y Sobrinonan:

Richard Giel y famia  
Iris Giel y yiu  
Jacqueline Giel  
Marjory Rosel-Tromp y famia  
John Tromp y famia  
Jenny v/der Biezen-Tromp y famia  
Angeli Tromp-Tromp y famia  
Junior Donata y famia  
Lilian Donata y yunan  
Gregory Donata

Su amiganan, conocirnan y ayudante  
na Hulanda.

### Demas famia:

Kelly, Maduro, Giel, Tromp, Donata,  
Croes, Rosel, v/der Biezen, Quandus,  
Geerman, Lewis, Marta, Ng, Wu,  
Botman

**Famianan na Hulanda:** Donata, van  
Dinter, v/der Biezen, Pinard  
Tur demas famia na Aruba, Curaçao y  
Hulanda

Acto di despedida y cremacion lo tuma  
lugar **diaranson 15 februari 2023** na  
Hulanda.

Disculpa nos si den nos tristesa nos por a  
lubida algun famia of conocir.

Condolencia por wordo manda na:  
marjory-rt@hotmail.com



The Lord is my shepherd, I shall not want.  
In verdant pastures, He gives me repose;  
beside restful waters, He leads me; He  
refreshes my soul.  
Even though I walk through the valley of the  
shadow of death, I will fear no evil; for You  
are at my side with Your rod and Your staff  
that give me courage.  
Psalm 23

It is with deep sorrow that we announce  
the passing away on February 4th, 2023, of  
our beloved

## Ursula Jeanette Ahlip-Lejuez

Left to mourn are:

### Her husband:

Winston (Ako) Ahlip

### Her children:

Timothy Ahlip and Catalina Ahlip  
Christopher Ahlip and Alexandra Ahlip

### Her grandchildren:

Xenia, Vlad, Lazaro,  
Tristan, Bella

### Her parents:

†Bernice K. Lejuez-Nisbet  
†John E. Lejuez

### Her siblings:

†Agnes and †Thomas Thodé-Richardson  
†Rufus and Jane Richardson,  
Hyacinth (Tootsie) and †Adolf Leo-Lejuez,  
Tony and Yvonne Lejuez-Croes,  
Mary Lejuez

### Her in-laws:

Thelma Ahlip, Wilma and Walter Tjon Pian  
Gia-Ahlip, Clifton and Gloria Ahlip, Morris  
Ahlip, Tessy and Selma Ahlip

Nieces and nephews, cousins, godchildren  
and friends in Aruba, Curaçao, Sint Maarten,  
Holland, France and USA

Employees of Heavenly Water, Sint Maarten  
Employees of Ako's Upholstery, Aruba

She was related to the following families:  
Ahlip, Lejuez, Thodé, Leo, Richardson,  
Nisbet, Georgescu, Ricci, Gibbs, Velazquez,  
Idigoras, Snijders, Wong, Cheung, Hazel,  
Arrindell, York, Meyers, Peterson, Williams,  
Huntington

A special mention to her closest confidants:  
Sandra Idigoras, Jorge Velazquez, Ava  
Thodé

If perhaps, in our grief, we forgot to mention  
any family and friends, please accept our  
apology.

The family cordially invites you to join in  
celebrating her life on **Wednesday, February  
15, 2023**, at 2:00 pm to 4:00 pm at the Royal  
Funeral Home.



Manera solo ta despedi y e dia ta termina, asina mi ta  
despedi di boso y mi bida terenal a yega su fin. Laga e  
dushi recuerdonan cu mi a pasa cu boso ta boso consuelo  
te dia nos bolbe reunie den Reino Celestial.

Cu inmenso tristesa, pero conforme cu Dios Su voluntad  
nos ta participa fayecimento inespera di nos ser ker:

## Mirto Alexander Krozendijk

Miher conoci como Mirto  
\*08-02-1961 - †29-01-2023

### Su Mayornan den felis memoria:

Emeterio "Techi" y Cleotilda "Tida" Krozendijk

### Su Rumanan:

Vda Filomena Croes-Krozendijk y † Frans Croes  
†Alfonso "Boei" Krozendijk y vda Ulrika Krozendijk-Jacobs  
Shon Pe y Glenda Krozendijk-Kock  
Vdo Andresito "Dolf" y † Isaura Krozendijk-Sarda  
†Glenda Beatriz Krozendijk y vdo Jose Fernandes-Perna  
†Edwin Krozendijk  
†Ruben y vda Marlin Krozendijk- Penja  
Hildreth v/d Berg – Krozendijk y Rene van den Berg

### Mescos cu ruman:

Eveline Lacle y famia (Corsow)

### Su sobrino(a)nan y sobresobrino(a)nan:

Seever y Jessica Krozendijk-Kelly, Keaneeh y Jaydeeh,  
Dietwin Krozendijk y Merrely Franken, Kea'Iah, Kyriah y Ly-  
Ann,  
Isandra Krozendijk, Andrew y Cayden,  
†Andres Aurelio Krozendijk,  
Albee y Roxenne Fernandes- Mathilda, Jeon y Elisha,  
dr. Eliza Fernandes y dr. Candida Sanchez Burmester,  
Reuben Krozendijk,  
Tahnee Krozendijk,  
dr. Kevin van den Berg y dr. Claire Koeyvoets,  
Willy Dirks y famia.  
Elena Garcia y Maria "Dietje" Romero-Loor

### Tanta/Omo:

Sra Vda. Alicia Krozendijk-Farro y famia  
Sr.Vdo. Alfred "Freddy" Maduro y famia  
Sra.Vda. Supriana Luciano y famia  
Su Omo y tantanan den felis memoria:  
Krozendijk- Kock y Bikker,  
Krozendijk- Kock y Maduro

### Su primo(a) nan hopi yega na cas:

Marlon Maduro – Anthony Krozendijk – Dicky Krozendijk –  
Charlotte de Cuba-Maduro, Kathy Vrolijk-Krozendijk, Aura  
Kolman- Bikker.

**Su primo(a) nan y nan famia:** Krozendijk-Kock- Bikker y  
Maduro

### Su amigo(a) nan stima:

Sra Yaquelin Zambrano y Sr. Omar Castoñeda Cardona  
Sra Dica Mercado y famia  
Sr. Sonny Croes  
Sr. Jorge Dario  
Sr. Jose Do-Nascimento  
Sr. Jozef Barret  
Sr.Gabriel Lester y Sra Nelly Maduro

### Su bisiñanan :

famia Comenencia-Fingal y famia Maduro-Oduber

### Su mascota stima: Rio

### Mescos cu famia:

Sra Elvia Taborda-Lopez Zapata y famia ( Medellin  
Colombia), Sra Diane Horowitz y famia (New Jersey)

Ta invita tur demas famia Krozendijk, Krosendijk, Croes,  
Kock, Sarda, Fernandes-Perna, Penja, van den Berg,  
Camacho, Farro, Maduro, Mathilda, Bikker, Koolman,  
Luciano, Kolman, Ras, Damian, Vrolijk, Do Nascimento,  
de Cuba, Theysen, Marselia, Taborda-Lopez Zapata,  
Ramirez, Comenencia y Romero-Loor. Debotonan di Cas  
di Oracion "Cu confianza y fe den Señor de Los Milagros  
di Buga", su amigo(a) nan mucho hopi pa menciona,  
amistadnan, conocirnan, demas bisiñanan; pa asisti na  
acto di condolencia y despedida cu lo tuma lugar na  
Aurora Funeral Home **dialuna 13 februari 2023** di 2 or pa 4  
or atardi.

Cremacion ta tuma lugar den seno familiar.  
Enbes di flor of krans famia ta aprecia donacion pa :  
"Fundacion Ban Uni man pa cria nos muchanan".  
Ta lamenta cu no ta ricibi bishita di condolencia na cas.  
Nos ta pidi disculpa si den nos tristesa nos por a lubida un  
famia.





# AWEMainta

## Scan nos QR code y bira abonado di AWEMainta

Completamente GRATIS

1: Usando bo camera di telefon,  
scan nos QR code na banda.

2. Bay riba "Show Options",  
"Open in browser".

3. Yena e formulario.

**Haya AWEMainta  
tur dia den bo inbox!**



[www.awemainta.com](http://www.awemainta.com)



[www.facebook.com/AWEMainta](https://www.facebook.com/AWEMainta)



5880022



[info@awemainta.com](mailto:info@awemainta.com)  
[noticia@awemainta.com](mailto:noticia@awemainta.com)  
[aviso@awemainta.com](mailto:aviso@awemainta.com)